

Na osnovu člana 108. stav (1) tačka d) i stav (5) istog člana Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj: 27/24), uz konsultacije i saglasnost sindikalnog povjerenika sindikalne podružnice OMS "Mladen Pozajić" Sarajevo broj: 01-50/25 od 03.04.2025. godine, Školski odbor JU Osnovna muzička škola "Mladen Pozajić" Sarajevo na 43. sjednici održanoj dana 07.04.2025. godine donosi

**PRAVILNIK O IZMJENAMA  
PRAVILNIKA O RADU JU OSNOVNE MUZIČKE ŠKOLE  
»MLADEN POZAJIĆ« SARAJEVO**

**Član 1.**

**(Izmjena člana 7.)**

U Pravilniku o radu JU Osnovne muzičke škole »Mladen Pozajić« Sarajevo, broj: 01-1-480/21 od 08.09.2021. godine, broj:01-1-141-2/22 od 30.03.2022. godine, broj:01-1-693-1/22 od 26.09.2022. godine, 01-1-777-1/22 od 26.10.2022. godine, broj:01-1-122-2/24 od 14.03.2024. godine i broj: 01-1-750/24 od 30.10.2024. godine član 7. mijenja se i glasi:

**„Član 7.**

**(Popunjavanje upražnjenih radnih mjesta)**

- 1) Ukoliko u Školi postoji upražnjeno radno mjesto, škola je dužna prvo preuzeti lice sa jedinstvene rang liste radnika za čijim je radom potpuno ili djelimično prestala potreba u odnosu na ugovor o radu na neodređeno vrijeme koji su zaključili sa poslodavcem na osnovu javnog konkursa, koja se vodi u Ministarstvu za odgoj i obrazovanje Kantona Sarajevo.
- 2) Ukoliko se popunjavanje upražnjenog radnog mjesta u skladu sa stavom (1) ovog člana ne može realizirati, upražnjeno mjesto oglašava se putem javnog konkursa nakon prethodno pribavljene saglasnosti Ministarstva za raspisivanje javnog konkursa.
- 3) Škola raspisuje Javni konkurs u roku određenom saglasnosti Ministarstva.
- 4) Uslovi i način objavljivanja javnog konkursa i provođenje konkursne procedure propisani su Pravilnikom za prijem radnika koji uz konsultacije sa sindikatom i uz saglasnost Vlade Kantona Sarajevo donosi Ministar za odgoj i obrazovanje Kantona Sarajevo (u daljem tekstu: Ministar).“

**Član 2.**

**(Izmjena člana 9.)**

Član 9. mijenja se i glasi:

**„Član 9**

**(Javni konkurs)**

Objavljivanje konkursa, sadržaj konkursa i rok za podnošenje prijava na konkurs propisani su Pravilnikom za prijem radnika koji donosi Ministar.“

**Član 3.**

**(Izmjena člana 9a.)**

Član 9a. mijenja se i glasi:

**„Član 9a**

**(Konkursna komisija)**

- 1) Direktor Škole rješenjem imenuje i razrješava Komisiju koju čine tri člana: EMIS odgovorna osoba i dva člana iz reda radnika ustanove.

- 2) Rješenjem iz stava 1) ovog člana direktor Škole istovremeno imenuje i zamjenske članove Komisije, koji će obavljati poslove članova Komisije u slučaju postojanja razloga za izuzeće propisanih Pravilnikom za prijem radnika ili drugih okolnosti objektivne spriječenosti.
- 3) Članovi Komisije obavezno, na konstituirajućoj sjednici, biraju predsjednika i zamjenika predsjednika Komisije, te donose poslovnik o radu.
- 4) O radu Komisije vodi se zapisnik koji potpisuju svi članovi Komisije.
- 5) Članovi Komisije moraju imati najmanje isti stepen stručne spreme koja se kao uslov za aplikanta/kandidata navodi u javnom konkursu.
- 6) Članovi Komisije u svom radu moraju biti nezavisni i nepristrasni. Mandat članova Komisije traje četiri godine.
- 7) Komisiji iz stava 1) ovog člana pripada naknada za rad u skladu sa posebnom odlukom ministra.
- 8) Sekretar Škole je obavezan Komisiji osigurati sve relevantne propise, na osnovu kojih se vrši prijem radnika.
- 9) Obaveze i radni zadaci Komisije detaljno su propisani Pravilnikom za prijem radnika koji donosi Ministar.“

#### **Član 4.**

**(Izmjena člana 10.)**

Član 10 mijenja se i glasi:

#### **„Član 10.**

**(Zaključivanje ugovora o radu)**

- 1) Nakon konačnosti odluke o prijemu aplikanta/kandidata donesene nakon provedene propisane konkursne procedure u skladu sa Pravilnikom za prijem radnika koji donosi Ministar, izabrani aplikant/kandidat dužan je dostaviti ljekarsko uvjerenje nadležne zdravstvene ustanove koje nije starije od šest mjeseci, kao i drugu dokumentaciju u skladu sa zakonom i internim aktima ustanove, nakon čega direktor zaključuje ugovor o radu s izabranim aplikantom/kandidatom.
- 2) Sistematski ljekarski pregled koji se organizuje u skladu sa Kolektivnim ugovorom za djelatnosti predškolskog i osnovnog odgoja i obrazovanja je ekvivalent uvjerenju nadležne zdravstvene ustanove iz stava 1) ovog člana.

#### **Član 5**

**(Stupanje na snagu)**

- 1) Ovaj Pravilnik stupa na snagu danom objave na oglasnoj ploči Škole i službenoj web stranici Škole, a primjenjuje se od 01.05.2025. godine.
- 2) Ostale odredbe Pravilnika o radu JU Osnovne muzičke škole »Mladen Pozajić« Sarajevo, broj: 01-1-480/21 od 08.09.2021. godine, broj:01-1-141-2/22 od 30.03.2022. godine, broj:01-1-693-1/22 od 26.09.2022. godine, 01-1-777-1/22 od 26.10.2022. godine, broj:01-1-122-2/24 od 14.03.2024. godine i broj: 01-1-750/24 od 30.10.2024. godine godine ostaju na snazi.

Broj: 01-1-310-4/25

Sarajevo, 07.04.2025. godine

**PREDSJEDNIK ŠKOLSKOG  
ODBORA**



Dostavljeno:

1x direktor Škole,

1x oglasna ploča Škole, 1x Web stranica Škole, 1x a/a Š